

ԾՐԱԳԻՐ

Հակամանրէային դեղերի նկատմամբ մանրէային կուլտուրաների զգայունության որոշման և կայունության մեխանիզմների հայտնաբերման

I. ՆԵՐԱԾՈՒԹՅՈՒՆ

1. Հակամանրէային դեղերի (այսուհետ՝ ՀՄԴ) հայտնաբերումը և կիրառումը ողջ աշխարհում բերեց վարակիչ հիվանդություններից մահացության զգալի նվազման, սակայն դրանց անվերահսկելի, ոչ չափավորված օգտագործումը ինչպես ներհիվանդանոցային, այնպես էլ արտահիվանդանոցային պայմաններում (կենցաղում) հանգեցրեց մանրէների շտամների ՀՄԴ-ների նկատմամբ կայունության մեխանիզմների (այսուհետ՝ կայունության) առաջացման: Մեծ է նաև ՀՄԴ-ների օգտագործման դերը գյուղատնտեսության մեջ՝ կենդանիների վարակիչ հիվանդությունների բուժման, կանխարգելման նպատակով և որպես աճի խթանիչ, որն իր հերթին հանգեցնում է կայուն շտամների առաջացման, ՀՄԴ-ների՝ սննդի օղակի միջոցով մարդկանց փոխանցման:

2. ՀՄԴ-ների նկատմամբ կայունությունը օրըստօրե աճում է՝ հասնելով սպառնացող ծավալների ամբողջ աշխարհում: Կայունության նոր մեխանիզմները հայտնվում և տարածվում են բազմաթիվ բնագավառներում՝ սպառնալով վարակիչ հիվանդությունների՝ գործող սխեմաներով բուժմանը: Ամբողջ աշխարհում տարեկան ավելի, քան 700 հազար մարդ մահանում է մանրէային կայուն շտամներով պայմանավորված վարակներից: Ուսումնասիրությունները վկայում են, որ այն երկրներում, որտեղ ՀՄԴ-ների օգտագործման աստիճանը բարձր է, իսկ դրանց նկատմամբ վերահսկողությունը՝ թույլ, բարձր է նաև դրանց նկատմամբ կայունության աստիճանը: ՀՄԴ-ների նկատմամբ կայունությունը հանդիսանում է ոչ միայն բժշկական, այլ նաև սոցիալական խնդիր: ՀՄԴ-ների նկատմամբ կայունության առաջացումը հանգեցնում է մարդկանց երկարատև հոսպիտալացման, բժշկական գերաճախսերի և մահվան ելքերի ավելացման:

3. Ելնելով վերոգրյալից, անհրաժեշտություն է առաջանում կատարել ՀՄԴ-ների նկատմամբ մանրէային կուլտուրաների շտամների զգայունության որոշման և կայունության մեխանիզմների հայտնաբերման նպատակային լաբորատոր հետազոտություններ (այսուհետ՝ հետազոտություններ), իրականացնել վերջիններիս արդյունքների վերլուծություն և ամփոփում:

II. ԾՐԱԳՐԻ ՆՊԱՏԱԿԸ

4. «Հակամանրէային դեղերի նկատմամբ մանրէային կուլտուրաների զգայունության որոշման և կայունության մեխանիզմների հայտնաբերման» ծրագրի (այսուհետ՝ ծրագիր) նպատակը ՀՄԴ-ների նկատմամբ շրջանառող ախտածին և պայմանական ախտածին մանրէային կուլտուրաների զգայունության որոշման, կայունության մեխանիզմների հայտնաբերման միջոցով կայուն և/կամ բազմակայուն շտամների հանդեպ հսկողության և մշտադիտարկման իրականացումն է:

III. ԾՐԱԳՐԻ ԽՆԴԻՐՆԵՐԸ

5. Ծրագրի խնդիրներն են՝

- 1) թիրախային խումբ հանդիսացող՝ հետազոտման ենթակա մանրէային կուլտուրաների որոշում,
- 2) Հայաստանի Հանրապետության առողջապահության նախարարության «Հիվանդությունների վերահսկման և կանխարգելման ազգային կենտրոն» պետական ռազմառնություն կազմակերպության թվով 5 մասնաճյուղներից մանրէային կուլտուրաների անհրաժեշտ շտամների հոսքի ապահովում,
- 3) հետազոտությունների համար կիրառվող անհրաժեշտ լաբորատոր ծախսանյութերի հաշվարկում, հայտի կազմում,
- 4) հետազոտությունների համար կիրառվող ձևաթղթերի մշակում,
- 5) ծրագրում լաբորատոր մասնագետների դերերի հատկորոշում և նպատակային բաշխում,

- 6) հետազոտական տվյալների բազայի ստեղծում,
- 7) հետազոտությունների արդյունքների մուտքագրում,
- 8) արդյունքների ամփոփում և վերլուծություն,
- 9) վերլուծության արդյունքների հիման վրա առաջարկությունների տրամադրում:

IV. ԾՐԱԳՐԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ՄԻՋՈՑԱՌՈՒՄՆԵՐԸ

6. **Ծրագրի հետազոտության տեսակը՝** նկարագրական դիտողական հետազոտություն, պրոսպեկտիվ/կոհորթային հետազոտություն:

7. Որպես հետազոտության թիրախային խումբ կընտրվեն այն մանրէային կուլտուրաները, որոնք անջատվել են մարդու առաջնային մանրէագերծ հեղուկներից՝ հիմնականում արյունից և մեզից: Մարդու նորմաֆլորային պատկանող կամ արտաքին միջավայրից անջատված (բացառությամբ հատուկ նպատակային հետազոտությունների) մանրէների մոտ ՀՄԴ-ների նկատմամբ զգայունության որոշումը նպատակահարմար չէ: Մնացած դեպքերում ուսումնասիրության կենթարկվեն միայն այն մանրէային կուլտուրաները, որոնք կունենան կլինիկական կարևորություն և/կամ մարզային մասնաճյուղերի լաբորատորիաներում հետազոտությունների արդյունքում կդրսևորեն կայունություն:

8. Ծրագիրն իրականացվելու է Հայաստանի Հանրապետության առողջապահության նախարարության «Հիվանդությունների վերահսկման և կանխարգելման ազգային կենտրոն» պետական ոչ առևտրային կազմակերպության «Ռեֆերենս լաբորատոր կենտրոն» մասնաճյուղի մանրէաբանական լաբորատորիայի բազայի վրա:

9. Մանրէային կուլտուրաները կստացվեն Հայաստանի Հանրապետության առողջապահության նախարարության «Հիվանդությունների վերահսկման և կանխարգելման ազգային կենտրոն» պետական ոչ առևտրային կազմակերպության «Լոռի», «Արարատ», «Սյունիք», «Շիրակ» և «Արմավիր» մարզային մասնաճյուղներից, քանի որ վերջիններս իրականացնում են բժշկական

կազմակերպություններից ուղեգրված՝ ստացիոնար պացիենտների կենսանմուշների մանրէաբանական հետազոտություններ, կարող են

ապահովել նմուշների/հետազոտությունների նշանակալի թվեր, հետևաբար՝ նաև մանրէային կուլտուրաների ուղեգրում Հայաստանի Հանրապետության առողջապահության նախարարության «Հիվանդությունների վերահսկման և կանխարգելման ազգային կենտրոն» պետական ոչ առևտրային կազմակերպության «Ռեֆերենս լաբորատոր կենտրոն» մասնաճյուղի մանրէաբանական լաբորատորիա

10. Համաձայն «Գնումների մասին» Հայաստանի Հանրապետության օրենքի 20-րդ հոդվածի 2-րդ կետի 2-րդ ենթակետի՝ կիրականացվի հետազոտությունների համար անհրաժեշտ հականմանրէային սկավառակների, թեստերի, ախտորոշիչ հավաքածուների, ինչպես նաև լաբորատոր այլ ծախսանյութերի ձեռք բերում՝ նախապես կատարված հաշվարկների հիման վրա:

11. Կիրականացվեն արդեն իսկ նույնականացված մանրէային կուլտուրաների լաբորատոր հետազոտություններ (ՀՄԴ-ների նկատմամբ զգայունության որոշում և կայունության մեխանիզմների հայտնաբերում): Ծրագիրը կընդգրկի թվով մոտ 200 մանրէային կուլտուրայի հետազոտություն:

12. Հետազոտության նպատակով ուղեգրվող մանրէային կուլտուրաների փաթեթավորումը, պիտակավորումը, պահպանումն ու փոխադրումները կիրականացվեն համաձայն ՀՀ առողջապահության նախարարի 2014 թվականի հունիսի 23-ի N 38-Ն հրամանի հավելված 1-ով հաստատված «Վտանգավոր բեռների փոխադրման նկատմամբ սանիտարահիգիենիկ պահանջներ»-ի:

13. Ստացված արդյունքների հիման վրա կկատարվեն վերլուծություններ՝ մանրէային կայուն շտամների շրջանառության վերաբերյալ:

14. Կատարված վերլուծությունների հիման վրա կմշակվեն առաջարկություններ, կստեղծվի ընտրված մարզերում և/կամ բժշկական կազմակերպություններում շրջանառող մանրէային կայուն շտամների տվյալների բազա:

15. Ծրագրի ավարտից հետո համակարգողը (տես «Ծրագրում ներգրավված անձանց գործառույթներ» բաժնում) կներկայացնի ամփոփ հաշվետվություն՝

իրականացված աշխատանքների և մշտադիտարկման արդյունքների վերաբերյալ, որտեղ կնշի ծրագրի շրջանակներում հետազոտված մանրէների զգայունության/կայունության տվյալները տարբեր ՀՄԴ-ի նկատմամբ:

Վ. ԾՐԱԳՐԻ ՀԵՏԱԶՈՏՈՒԹՅՈՒՆՆԵՐԻ ՄԵԹՈԴԱԲԱՆՈՒԹՅՈՒՆԸ

16. ՀՄԴ-ների նկատմամբ մանրէային կուլտուրաների զգայունության որոշման և կայունության մեխանիզմների հայտնաբերման հետազոտություններն իրականացվում են համաձայն ՀՀ առողջապահության նախարարի 2016թվականի դեկտեմբերի 30-ի 3906-Ա հրամանի հավելվածներ 1, 2, 3-ով հաստատված «Հակամանրէային դեղերի նկատմամբ մանրէների զգայունության որոշում սկավառակադիֆուզիոն մեթոդով», «Մանրէների կողմից հակամանրէային դեղերի նկատմամբ կլինիկական ու համաճարակաբանական նշանակություն ունեցող կայունության մեխանիզմների որոշում» մեթոդական ուղեցույցների և «Հակամանրէային դեղերի նկատմամբ մանրէների զգայունության գնահատման փորձագիտական կանոններ»-ի պահանջների, որոնք լիովին համապատասխանեցված են ՀՄԴ-ներին նկատմամբ մանրէների զգայունության որոշմամբ զբաղվող եվրոպական կոմիտեի (European Committee on Antimicrobial Susceptibility Testing (EUCAST)), (այսուհետ՝ ԷՈՒՔԱՍՏ) հրահանգներին:

17. ՀՄԴ-ների նկատմամբ մանրէային կուլտուրաների զգայունության որոշման և կայունության մեխանիզմների հայտնաբերման հետազոտություններն իրականացվում են դիֆուզիոն մեթոդով՝ ՀՄԴ-ներով սկավառակներին E-թեստերի կիրառմամբ: Կայունության մեխանիզմների հայտնաբերումը կատարվում է ՀՄԴ-ների կրկնակի և համակցված սկավառակների միջոցով:

18. Կայունության մեխանիզմները որոշվում են ֆենոտիպային մեթոդներով՝ ընդլայնված սպեկտրի բետալակտամազաների, կարբապենեմազաների և մետիցիլինակայունության հայտնաբերմամբ:

19. Մանրէային կուլտուրաների փոխադրումն իրականացնում են վերջիններիս կենսունակությունն ապահովող պայմաններում՝ փոխադրման միջավայրերի կամ համապատասխան էլեկտիվ-սելեկտիվ միջավայրերի վրա, ջերմաստիճանային նպաստավոր պայմանների ապահովմամբ:

20. Մանրէային կուլտուրաներն ուղեգրում են՝ ապահովելով մանրէի վերաբերյալ անհրաժեշտ ողջ տեղեկատվությունը՝ ընդհանուր տվյալները և շտամի բնութագիրը.

1) շտամի համարը,

2) ցեղային/տեսակային պատկանելությունը,

3) սկզբնական նմուշի ընդունման և մանրէային կուլտուրայի անջատման ամսաթվերը,

4) կուլտուրայի անջատման աղբյուրը,

5) կուլտուրան հայտնաբերող/անջատող լաբորատորիան/կազմակերպությունը և մանրէաբանը,

6) կուլտուրան ուղեգրող կազմակերպությունը/լաբորատորիան,

7) կիրառվող սնուցող միջավայրերը, գաղութների ձևաբանությունը և տինկտորիալ հատկությունները, իրականացված կենսաքիմիական թեստերի և շճատարբերակման արդյունքները:

21. Մանրէային կուլտուրայի շտամների հիմնական տվյալները կապահպանվեն դրանց ուղեկցող անձնագրերի տեսքով (տես «Մանրէի շտամի անձնագիր» ձևաթուղթը՝ Ձև 1), ինչպես նաև կգրանցվեն համապատասխան գրանցամատյանում և տվյալների բազայում:

22. Հետազոտությունների արդյունքները կարձանագրվեն «ՀՄԴ-ների նկատմամբ մանրէային կուլտուրայի զգայունության և կայունության մեխանիզմների արդյունքներ» ձևաթղթի վրա (Ձև 2) և կմուտքագրվեն տվյալների բազա:

ՁԵՎԱԹՈՒՂԹ
ՄԱՆՐԷԻ ՇՏԱՄԻԱՆՁՆԱԳԻՐ

ԸՆԴՀԱՆՈՒՐ ՏՎՅԱԼՆԵՐ	
Շտամի համար _____	Մանրէի ցեղային (տեսակային) անվանումը՝ լատիներեն _____
տառադարձումով _____	
Նմուշի ընդունման ամսաթիվ _____	Կուլտուրայի անջատման ամսաթիվ _____
Շտամի անջատման աղբյուրը _____	
Անջատվել է՝ ստացիոնար հիվանդից ☐	ամբուլատոր ☐ հիվանդից
Որտեղ է անջատվել (կազմակերպությունը/լաբորատորիան) _____	
Ում կողմից է անջատվել (անուն, ազգանուն) _____	
Ուղեգրող _____	
կազմակերպություն/լաբորատորիա _____	Ուղեգրման ամսաթիվ _____
ՇՏԱՄԻ ԲՆՈՒԹԱԳԻՐ	
Կիրառված էլեկտիվ/սելեկտիվ միջավայր _____	
Գաղութների ձևաբանություն _____	
Բջջի տիներտորիալ հատկություններ _____	
Շճատիպավորում, շճատարբերակում _____	

Կենսաքիմիական թեստեր	
Այլ թեստեր	
«-----» ----- 20 թ. (շտամի ուղեգրման ամսաթիվ)	

Ձև 2

**ՀԱԿԱՄԱՆՐԵԱՅԻՆ ԴԵՂԵՐԻՆԿԱՏՄԱՄԲՆԿԱՏՄԱՄԲ ՄԱՆՐԵԱՅԻՆ
ԿՈՒՆՏՈՒՐԱՅԻ ԶԳԱՅՈՒՆՈՒԹՅԱՆ ԵՎ ԿԱՅՈՒՆՈՒԹՅԱՆ ՄԵԽԱՆԻԶՄՆԵՐԻ
ԱՐԴՅՈՒՆՔՆԵՐ**

« » ----- 20 թ.

Լաբորատորիայի անվանում _____

Անջատված
կուլտուրայի/շտամի համար _____
Մանրէի ցեղային (տեսակային) անվանումը՝
լատիներեն _____

Մանրէի/կուլտուրայի անջատման աղբյուր ☐ արյուն ☐ մեզ ☐ այլ (նշել) _____
Անջատման ամսաթիվ _____

Հակամանրէային դեղերին կատամբ զգայունության թեստի արդյունքներ

ՀՄԴ-ով սկավառակի/ E թեստի անվանում	Ճնշման գոտուտրամ ազիծ	Ճնշման գոտուտրամ ազծի մեկնաբանություն	E թեստի ՆՃԽ-ի արժեքը	E թեստի ՆՃԽ-ի արժեքի մեկնաբանություն
	(մմ)	Զ, Մ կամ Կ	(մգ/լ)	Զ, Մ կամ Կ
	_ _ _	_	-----	_
	_ _ _	_	-----	_
	_ _ _	_	-----	_

	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_
	_ _ _	_	-----	_

Կայունության մեխանիզմների արդյունքներ

ESBL	Carbapenemase MBL	Carbapenemase KPC	Carbapenemase Amp C	Carbapenemase OXA	HLAR	VRE	MRSA
_ դրակ ան _ բ ացաս.	_ դրակ ան _ բ ացաս.	_ դրակ ան _ բա ցաս.	_ դրակ ան _ բա ցաս.	_ դրակ ան _ բ ացաս.	_ դրակ ան _ բ ացաս.	_ դրակ ան _ բ ացաս.	_ դրակ ան _ բ ացաս.

VI. ԾՐԱԳՐԻ ՀՆԱՐԱՎՈՐ ՍԱՀՄԱՆԱՓԱԿՈՒՄՆԵՐ

23. Ծրագրի իրականացման ընթացքում ակնկալվող հիմնական սահմանափակում կարող է լինելանհրաժեշտ քանակությամբ մանրէային կուլտուրաների անբավարար հոսքը:

24. Հետազոտությունների թիվը կարող է անբավարար լինել՝ մանրէային կուլտուրայի(ների) ոչ թե պատճառագիտական գործոն, այլ հնարավոր բաղարկման հետևանք լինելու դեպքում:

Ֆինանսավորումը՝պետական բյուջե